



# **Universitätsbibliothek Paderborn**

## **Exemplorvm Libri Tres**

Liber Primvs Siue Vis Et Virtvs Exemplorvm, Hoc est, Solatia Et Docvmenta  
- Hæc Moribvs, Illa Temporibvs Nostris Adhibita

**Stengel, Georg**

**Ingolstadii, Anno M.DC.L.**

Caput II. Prima exemplorum vtilitas, quòd inde humiliemur, si quidem non  
cum deterioribus, sed cum melioribus nos comparemus.

[urn:nbn:de:hbz:466:1-48162](#)

*Cap. II. Exempla esse remedia humilitatis, & quanam? s  
quām exemplum fecit. Omnis denique historia est præterito-  
rum memoria, ut sit doctrina futorum..*

## C A P V T II.

*Prima exemplorum utilitas, quod inde humilietur, se  
quidem non cum deterioribus, sed cum meliori  
bus nos comparemus.*

**N**on immerito Apostoli exempla nobis proposuerunt; I.  
fecit id & Magister Apostolorum, qui de seipso testa. Iosu. 13. 16.  
tur: *Exemplum dedi vobis.* Ergo & D. Paulus alibi Ti. Tit. 2. 7.  
tum instruens, *te ipsum*, ait, *præbe exemplum bonorum operum;* &  
alterum Episcopum, Timotheum, formans, *exemplum est fidei.* 2. Tim. 4. 12.  
num, inquit, ut eo velut Ariadne aliquo filo manu ducantur.  
Eamdem chordam pulsat, cuius non modò omnes libri imitatio-  
nem Christi sonant, sed etiam peculiaris vox est illa: *Intuere san-* Thom. de  
*ctorum Patrum vivida exempla, in quibus vera perfectio refulgit,* &  
*religio, & videbis quām modicum sit, & paucū nibil, quod nos agimus.* Kemp. lib. 2.  
*Heu, quid est vita nostra, si illis fuerit comparata?* Et tamen cum  
illis stabimus in iudicio, & eamdem vitæ æternæ mercedem ex-  
pectabimus? Vbi maior patientia, maior corona. Quis autem  
patientior, nisi humilior, & qui se dignum iudicat, ut patiatur?  
Sicut & præcipuus ad impatientiam, querimoniasque stimulus  
est, si existimemus, nos ea, quæ patimur, non meruisse.

Igitur hæc vel prima esse potest cauſa, ob quam Sancto-  
rum exempla intueamur, ut scilicet supercilium ponamus, cùm  
animaduertimus, tanto nos ab illis interuallo relinqui; totque  
nobis virtutes perfectionesque deesse, quot illi nos laudibus su-  
perauerunt. A via Dei aberrant illi, qui cùm contra legem  
Dei, se grauiter delinquere non deprehenderunt, fidentes animis  
& illico sibi blandientes, officio suo satisfecisse videntur, dum sci-  
licet vitam moresque suos, non cum sanctis illis viris, & à Deo,  
atque à Dei ministris Iacobo, & Paulo, in exemplum propositis  
conferunt, sed oculum semper tantum retorquent ad sceleratos,  
quos audiunt de fortis, de adulterijs, de iniurijs pauperum, de-  
cadibus infamari. Talium scilicet in numero quia se esse non me-  
minerunt,

¶ Cap. II. Exempla esse remedia humilitatis, & quanam?

minerunt, illicò se ipsos in numero catalogoque Sanctorum collocant. Quasi idem sit sanctum esse, quod, non esse consceleratum: aut tamquam non offendat duritie, quod non est rupes, etiam si sit saxum..

III.

Hac ratione Pharisæus ille se decepit, quando cum Publicano se comparauit, cumque alijs hominibus flagitiosis, dicens:

LUC. 18. 11.

*Non sum sicut ceteri hominum, raptiores, iniusti, adulteri: velut etiam hic publicanus, qui à longè steterat, & retrò. Ita sibi blanditur, ita plaudit Pharisæus, quid multa? pleno subit ostia velo. Sed sua opinione. Nam aliquis latet error. Nec parvus. Non enim omnes, qui habent citharam, sunt citharœdi: neque omnes, qui ieiunij legibus se satisfacere putant, sobrij. Maximi potatores plerumque sunt minimi comedores, & idcirco stomachum cibo non farciunt, quia locum vino relinquunt. Hoc est ieiunium ebriosorum, qui, cùm quotidianè sint temulent, bis in Sabbato ieiunare gloriabantur. Nempe abstinent culinâ, dum pleni sunt cellâ. Igitur & iste fuit de illorū censu, qui personam, quam faciem maluerunt. Nam quia non fuit Publicanus, fuit superbus; non auarior, sed arroganter; de ipsa comparatione, qua sibi placebat, reprehendendus. Non debebas retrorsum in *Publicanos, raptiores, iniustos, & adulteros* oculum retorquere, & Pharisæe, si volebas proficere; sed oblinisci eorum, quare retrò sunt, ad anteriores extenderes, & charismata meliora emulari. Non est sanus, qui plus habet virium, quam moribundus; sed qui tantas habet, quantas sanus. Alioquin etiam cōchorus inter clera triumphat.*

IV.

S. Augustin.  
serm. 36 de  
verbis Do-  
mini.

Hæc comparatio Pharisæum excœcauit, ut se diuitem eximaret, quia alium vedit pauperem; & quidem ita diuitem, ut nulla se putaret re indigere, neque in ipso templo aliquid à dator munerum peteret. Igitur, Augustino teste, non reprehenditur, quia Deo gratias agebat, sed quianihil sibi addi cupiebat. *Quare in verbis illius, nihil innenies quod Deū regauerit. Ascendit quidem orare, noluit Deum rogare, sed se laudare, & roganti insuper insultare. Publicanum autem cordis conscientia remouebat, sed pietas applicabat. Quid igitur miraris, si Deus ignoscit, quando ipse agnoscit? Nec oculos ad celum levabat, ut respiceret; tremebat conscientia, spes sublevabat.*

tabat, percutiebat pectus suum, pœnas de seipso exigebat, Audisti superbum accusatoreno dicentem: Non sum sicut cœteri hominum, velue etiam hic Publicanus; audisti humiliem reum; audi nunc Indicem dicentem: Descendit hic iustificatus ab illo. Scilicet quia se contulerat cum eo, quem censuerat esse meliorem: ille autem cum deteriorre se comparauit. Nam sicut Publicanus in se descendit, cum ea non reperit, quæ Phariseus iactauit; ita Phariseus in se intumuit, quando suas virtutes alterius vitijs opposuit; bis hallucinatus, & quodd vitia in altero considerârit, & quodd virtutes præterierit considerandæ. Quas si considerauisset, habuisset vtique & quod disceret, & vnde se humiliaret. Cur enim non miratus est modestiam à longè stantis; demissionem oculos ad cælum non levantis; cor contritum pectus percutientis; orationem deniq; dicentis; *Deus propitius esto mihi peccatori?* Sed hæc ille non asperxit, immò despexit, & dissimulauit, vitijs dumtaxat aliorum, nō virtutibus obseruandis assuefactus. Est enim naturā ita constitutum, vt sicut boni in malis bona, ita vicissim mali in bonis mala confuerint obseruare. Vnde sit, vt illi semper hiant meliores; isti quotidie deteriores euadant; errant enim in regula morum eligenda.

Optimum in unoquoque genere est mensura ceterorum, non pessimum. Illud metallum censemur esse perfectius, quod ad aurum, non quod ad plumbum proximè accedit. Equus, qui, reserato carcere, ad metam in Cireo decurrit, non quos post se reliquerit, sed quos præcurrentes habeat, quoſq; sequatur, aspergit. Qui litteras dicit efformare, non illam manum imitatur, qua haud elegantiū scribit, quam gallinæ in arena; sed accuratam & venustā. Pictor exemplar ab Apelle petit, non à figulo, qui testas pingit. Si puer Grammaticæ gnarus cum eo compoñat, qui prima elementa dicit legere, valde sibi eruditus videtur; at si Rhetorices studiosum audiat loquentem, illicò & auriculas, & cristas demittet, intelligetq; se cornicari, non rhetoricari. Magnus sibi Poeta videtur, qui cum Suffeno suos versus pariat; eat ad Maronem, & videbit, multos triobolos, paucos vates reperti; vnde etiam discet, quam longè absit ab Helicone. Magnus sibi Philosophus esse appetet, qui ad unius Sophistæ gryphum

**Cap. III. Rana fabula se superbi comparantia.**

phum potest respondere; is tamen ipse, quām demissè sentiet, si Peripateticam rimari velit subtilitatem? Medicus si vetulā aliquā vnius vim herbulā noscente peritior sit, non idcirco aram sperare debet, iuxta Aesculapij simulachrum; ad Hippocratis se artēm, ad Galeni laudes metiatur, mox saniores pariet cogitationes. Nimirum necesse est, ut unusquisq; iuxta minorem maior, iuxta maiorem minor sibi esse videatur.

**C A P V T III.**

*Quām sit pernitiosum, se magnificere, comparatione minorum.*

I.

**R**A N A aliquando iuxta culicem consederat, quem cū euolantem argutæ tubæ fistula Lydium quid canere audiret, cœpit & ipsa velle audiri, & proinde, quantum potuit, coaxare. Vox ea tantò maior fuit, quantò & ipsa Rana Culice maior. Quare, sicut plerumq; viles animæ citò sibi placent, plauduntque, ita & illa inflata, primum sibi de eximia muscæssuauitate; tum verò etiam de sonore, atque canora vocalitate; tandem & de corporis magnitudine blandissimè arridens, culicem superciliosè despexit, lacertos suos circumspexit, cælumq; ita ipsum suspexit, ut caput summa cautione deorsum inclinaret, metuens, ne sublimi vertice sidera feriret. Quod ubi vidit ponè insidians Ciconia, rata, supplicem ranam caput sibi inclinare, mortemq; deprecari, dixit: *Viue igitur, quando ita me reuerteris; iam dudum didici Parcere subiectis.* Rana Cedro generofior, nempe adhuc se ad Culicem astimans, inanissimæque complacentiæ vento turgida, cùm ceaseret maiestate sua indignum esse facinus, supplicare, respondit Ciconia, Paruorum esse, alijs se submittere, indigentium, rogare. Quare hodie sui consilij non esse, ut cuiquam fieri supplex vellet. Dixit, & cum dicto irascens Ciconia rostro est percussa, & velut Absyrtus à Medea, aut Pentheus à Bacchis, miserandum in modum lacerata. Primum ubi vulnus accepit, aspicere demum Ciconiam est dignata: quam cùm esset trepidantibus oculis intuita, Hen, parce, inquit, parce; nesciebam, aliquam bestiam, me maiorem reperiri, cum Culice me comparans. Atqui sciuisse, ait Ciconia, si te cum Ciconia,

Virgil. 6.  
Aeneid.